

## Kaida ya Ubatizo

*Basi tulizikwa pamoja naye kwa njia ya ubatizo katika mauti yake, kusudi kama Kristo alivyofufuka katika wafu kwa njia ya utukufu wa Baba, viryo hivyo na sisi tuenende katika upya wa uzima—Warumi 6:4.*

**K**aida za ubatizo na Meza ya Bwana ni nguzo mbili za ukumbusho.... Juu ya kaida hizi Bwana Yesu ameliandika jina la Mungu wa kweli.

Yesu ameufanya ubatizo kuwa ishara ya kuingia katika ufalme Wake wa kiroho. Amelifanya hili kuwa sharti chanya ambalo wote ambao wanatamani kutambuliwa kuwa chini ya mamlaka ya Baba, Mwana na Roho Mtakatifu wanalazimika kukubaliana nalo. Kabla mtu hajafanya makao kanisani, kabla ya kupata malango ya ufalme wa Mungu wa kiroho, analazimika kupokea chapa ya jina takatifu "Bwana ni Haki Yetu" (Yeremia 23:6).

Ubatizo ni kuukana ulimwengu kwa hali ya juu. Wale ambao wamebatizwa kwa jina la Baba, Mwana na Roho Mtakatifu ... hutangaza hadharani kwamba wameacha kumtumikia Shetani na wamekuwa washiriki wa familia ya kifalme, wana wa Mfalme wa mbinguni. Wameitii amri: "Tokeni kati yao, Mkatengwe nao ... Msiguse kitu kilicho kichafu." Na ahadi inatimizwa kwao: "Nitawapokea na Nitakuwa Baba kwenu, Nanyi mtakuwa kwangu wanangu wa kiume na wa kike asema Bwana Mungu" (2 Wakorintho 6:17, 18)....

Kanuni za maisha ya Kikristo zinapaswa kuwekwa wazi kwa wale ambao wameupokea ukweli. Hakuna wanaoweza kutegemea kukiri kwao imani kuwa uthibitisho kwamba wamekuwa na uhusiano uokoao pamoja na Yesu. Hatupaswi tu kusema, "Naamini." Bali kufanyia kazi ukweli. Ni kwa kukubaliana na mapenzi ya Mungu katika maneno yetu, mwenendo wetu, tabia yetu, ndipo tunathibitisha muunganiko wetu na Yeye. Wakati wowote mtu anapoikana dhambi, ambayo ni uasi wa sheria, maisha yake yataletwa katika makubaliano na sheria, katika utii mkamilifu. Hii ni kazi ya Roho Mtakatifu. Nuru ya Neno inapochunguzwa kwa uangalifu, sauti ya dhamira, jitihada ya Roho, huzalisha moyoni upendo wa kweli kwa Yesu, ambaye Alijitoe kuwa kafara kamilifu ili kumwokoia mtu mzima kabisa, mwili, nafsi na roho. Na upendo unadhihirishwa katika utii. Mstari wa utengano utakuwa Dhahiri kati ya wale wanaompenda Mungu na kuzishika amri Zake na wale wasiompenda na kuzipuza amri Zake.

Wakristo wa kike na wa kiume walio waaminifu wanapaswa kuwa na shauku kubwa ya kuzileta nafsi zilizoongoka kwenye utambuzi sahihi wa haki katika Kristo Yesu.... Hawapaswi kupuuza mafundisho ya uaminifu, ya upole, na ya upendo ambayo ni muhimu sana kwa waongofu wachanga ili kwamba kusije kukawa na kazi ya shingo upande. Uzoefu wa awali kabisa unapaswa kuwa sawa.... Kwa njia ya kushirikiana na wale wampendao na kumcha Mungu watapokea imani (Testimonies for the Church 6:91-93).